

**KAULI YA MAELEZO YA CHANJO**

# **Chanjo ya RSV (Virusi vya Mfumo wa Kupumua vya Syncytial): Unachohitaji Kujua**

## **1. Je, kwa nini uchanjwe?**

**Chanjo ya RSV** inaweza kuzuia ugonjwa wa sehemu ya chini ya mfumo wa kupumua unaosababishwa na **virusi vya mfumo wa kupumua vya syncytial (Respiratory Syncytial Virus, RSV)**. RSV ni virusi vya kawaida vya mfumo wa kupumua ambavyo kwa kawaida husababisha dalili ndogo zinazofanana na mafua.

RSV inaweza kusababisha ugonjwa kwa watu wa umri wote, lakini inaweza kuwa kali hasa kwa watoto wachanga na watu wazee.

- Watoto wachanga wenyewe umri wa hadi miezi 12 (hasa wale wa miezi 6 na chini) na watoto waliozaliwa kabla ya wakati, au ambao wana ugonjwa mkali wa mapafu au moyo au mfumo dhaifu wa kinga, wako kwenye hatari kubwa ya kupata ugonjwa mbaya wa RSV.
- Watu wazima walio katika hatari kubwa zaidi ya kupata ugonjwa mbaya wa RSV ni pamoja na watu wazima, watu wazima walio na hali mbaya zaidi za kimatibabu kama vile ugonjwa wa moyo au mapafu, mfumo dhaifu wa kinga, au hali nyingine za kimsingi za kiafya, au wanaoishi katika nyumba za wazee au vituo vya utunzaji wa muda mrefu.

RSV huenea kuititia mtagusano wa moja kwa moja na kirusi hicho, kama vile matone kutoka kwa kikohozi au chafya ya mtu mwingine kutagusana na macho yako, pua au kinywa. Pia inaweza kuenezwa kwa kugusa sehemu ambayo ina virusi hivyo, kama vile kitasa cha mlango, na kisha kugusa uso wako kabla ya kuosha mikono yako.

Dalili za maambukizi ya RSV zinaweza kujumuisha kutiririka kamasi, kupungua kwa hamu ya kula, kukohoa, kupiga chafya, joto kali, au kukokota pumzi. Kwa watoto wachanga zaidi, dalili za RSV zinaweza pia kujumuisha kuwashwa (kuhangaika), kupungua kwa shughuli, au apnea (kusita kwa kupumua kwa zaidi ya sekunde 10).

Watu wengi hupona baada ya wiki moja au mbili, lakini RSV inaweza kuwa mbaya na kusababisha kupungukiwa pumzi na viwango vya chini vya oksijeni

Many Vaccine Information Statements are available in Swahili and other languages. See [www.immunize.org/vis](http://www.immunize.org/vis)

Kauli nyingi za taarifa ya chanjo zinapatikana katika Kiswahili na lugha nyinginezo. Angalia [www.immunize.org/vis](http://www.immunize.org/vis)

kwenye damu. RSV inaweza kusababisha bronkiolitis (uvimbe wa njia ndogo za kupumua kwenye mapafu) na nimonia (maambukizi ya mapafu). RSV nyakati zingine inaweza kufanya magonjwa mengine yawe mabaya zaidi, kama vile pumu au asthma, ugonjwa wa kudumu wa mapafu (ugonjwa wa kudumu wa mapafu unaofanya iwe vigumu kupumua), au kufeli kwa moyo (moyo unaposhindwa kupiga damu na oksijeni ya kutosha ndani ya mwili).

Wazee na watoto wachanga wanaougua sana kutokana na RSV huenda wakahitaji kulazwa hospitalini. Wengine hata wanawenza kufa.

## **2. Chanjo ya RSV**

CDC inapendekeza **watu wazima wenyewe umri wa miaka 60 na zaidi** wanalo chaguo la kupata dozi moja ya chanjo ya RSV, kulingana na mazungumzo kati ya mgonjwa na mtoa huduma wa afya.

Kuna chaguo mbili za kuzuia watoto wadogo dhidi ya RSV: chanjo ya mama kwa yule mjamzito na kingamwili za kinga zinazotolewa kwa mtoto. Ni moja tu ya chaguzi hizi inahitajika kwa wengi wa watoto ili kulindwa. CDC yapendekeza dozi moja ya RSV kwa **watu wajawazito kutoka wiki ya 32 hadi wiki ya 36 ya ujauzito** kwa kuzuia ugonjwa wa RSV kwa watoto walio chini ya umri wa miezi 6. Chanjo hii inapendekezwa kutolewa kutoka Septemba hadi Januari kwa sehemu nyingi zaidi za Marekani. Hata hivyo, katika baadhi ya maeneo (maeneo, Hawaii, Alaska, na sehemu za Florida), muda wa chanjo unaweza kubadilika kwa maana RSV inayozunguka katika maeneo haya hutofautiana na muda wa msimu wa RSV katika maeneo yale mengine ya Marekani.

Chanjo ya RSV inaweza kutolewa wakati mmoja na chanjo zingine.



**U.S. Department of  
Health and Human Services**  
Centers for Disease  
Control and Prevention

### **3. Zungumza na mto huduma za afya wako**

Mwambie mto huduma wako wa chanjo ikiwa mtu anayepokea chanjo:

- Amekuwa na **mmenyuko wa mzio baada ya dozi ya awali ya chanjo ya RSV**, au ikiwa ana mizio yoyote **mibaya, inayohatarisha maisha**

Katika baadhi ya visa, mto huduma wako wa afya anaweza kuamua kuahirisha chanjo ya RSV hadi ziara ya hapo baadaye.

Watu walio na magonjwa madogo, kama vile mafua, wanaweza kuchanjwa. Watu amba ni wagonjwa kidogo au wagonjwa sana wanapaswa kwa kawaida kungojea hadi wapone kabla ya kupata chanjo ya RSV.

Mto huduma wako wa afya anaweza kukupa habari zaidi.

### **4. Hatari za mmenyuko unaotokana na chanjo**

- Maumivu, wekundu na uvimbe kwenye eneo linalodungwa sindano, uchovu (kuhisi kuchoka), joto kali, maumivu ya kichwa, kichefuchefu, kuhara, na maumivu ya misuli au viungo yanaweza kutokea baada ya chanjo ya RSV.

Matatizo mabaya ya hali ya mfumo wa neva, ukiwemo ugonjwa wa Guillain-Barré (GBS), yameripotiwa baada ya chanjo ya RSV katika majoribio ya kimatibabu ya watu wazima zaidi. Haijulikani vizuri iwapo chanjo hiyo ilisababisha matukio hayo.

Kuzaliwa kabla ya muda na shinikizo la damu wakati wa ujauzito, pamoja na hali ya kuwa na shinikizo la damu la kiwango cha juu, vimeweza kutangazwa mionganini mwa watu wajawazito amba ni walipokea chanjo ya RSV wakati wa majoribio ya matibabu. Haijulikani vizuri iwapo matukio haya yalisababishwa na chanjo hiyo.

Watu huzirai wakati mwingine baada ya taratibu za kimatibabu, ikiwemo kuchanjwa. Mwambie mto huduma wako ikiwa unahisi kizunguzungu au mabadiliko katika kuona kwako au kuhisi milio masikioni.

Kama ilivyo na dawa yoyote ile, kuna uwezekano mdogo sana kwa chanjo kusababisha mmenyuko mkali wa mzio, majeraha mengine mabaya, au kifo.

### **5. Je, itakuwaje ikiwa kuna tatizo mbaya sana?**

Mmenyuko wa mzio unaweza kutokea baada ya mtu aliyechanjwa kuondoka kwenye kliniki. Ikiwa utaona dalili za mmenyuko mkali wa mzio (mabaka, kuvimba uso na koo, matatizo ya kupumua, moyo kupiga haraka, kizunguzungu, au udhaifu), piga simu **9-1-1** na mtu huyo apelekwe kwenye hospitali iliyo karibu.

Kwa dalili nyingine ambazo zinakupa wasiwasi, mpigie simu mto huduma wako wa afya.

Athari mbaya zinapasa kuripotiwa kwa Mfumo wa Kuripoti Matukio Mabaya ya Chanjo (Vaccine Adverse Event Reporting System, VAERS). Mto huduma wako wa afya kwa kawaida ataandikisha ripoti hii, au unaweza kufanya hivyo mwenyewe. Tembelea tovuti ya VAERS katika [www.vaers.hhs.gov](http://www.vaers.hhs.gov) au piga simu **1-800-822-7967**. VAERS ni ya kuripoti tu athari, na wafanyakazi wa VAERS hawatoi ushauri wa kimatabibu.

### **6. Je, ninawezaje kujifunza mengi zaidi?**

- Muulize mto huduma wako wa afya.
- Piga simu kwa idara ya afya ya eneo au ya jimbo lako.
- Tembelea tovuti ya shirika la Usimamizi wa Chakula na Dawa (Food and Drug Administration, FDA) ili kupata karatasi za kifurushi cha chanjo na maelezo zaidi kwenye [www.fda.gov/vaccines-blood-biologics/vaccines](http://www.fda.gov/vaccines-blood-biologics/vaccines)
- Wasiliana na Vituo vya Kudhibiti na Kuzuia Magonjwa (Centers for Disease Control and Prevention, CDC):
  - Piga simu **1-800-232-4636** (1-800-CDC-INFO) au
  - Tembelea tovuti ya CDC katika [www.cdc.gov/vaccines](http://www.cdc.gov/vaccines).

